

穰梨館過眼錄

穰梨館過眼錄卷二十八

歸安陸心源伯剛甫編

楊忠烈家書卷

紙本高九寸
長二尺九寸

字與之易之賦之言出門忙甚到州遇雨前途泥淖
難行過黃河始得晴乾好行因欲十二到京星夜兼
程至初九到京矣因京堂欲面見必十三始見朝日
逐接客凡大老各公無不欲一面便苦極矣 朝後
拜客饑渴不時大動火傷風喉舌俱痛三五日覺形
容瘦悴閉門睡得半日火稍退舌痛小減十九日面

恩大都久在山野之人手脚俱懶散見人殊是窘束又不奈人只問移官事何不免荅應煩多亦是一場苦事汝父書生耳無功無勞叨冒京卿原是過分況浮名太重至于初識面者傾動名公大老開口便曰功在社稷其實有何裨益令人慚愧將無造物忌之且諸老似各欲留在長安萬一名實不稱或負眾望奈何此汝父之所慮也汝等在家當安靜養福勤苦讀書憤勵修品亦所以補汝父之不逮萬無作些浪事習驕淫比匪人敗汝父家聲薄汝身受用是汝父所倦倦于汝者常常問太太安使老人家歡喜代

汝父事母無牽汝父心祠堂時朝月節無廢看視祭
奠家中諭令門戶嚴緊男女鈐束清楚出入防閑是
長子事弟兄萬萬要自令和氣同心無致生疎妯娌
喻令孝順各相敬愛方成人家方有禎祥記之記之
京中衙門甚無事絕無進入還恐後日支持不來目
下新進京下程甚熱鬧奴子都不節惜可恨只恐一
月後便鬧嘴矣五兒不知入學否汝等亦不知考得
如何總之肯讀書進士舉人亦是本等事無以考得
好進學容易便輕易便懶惰也如京中住得久便欲
接家眷汝等亦得讀書只是人多兩起行方便再有

人回商酌之大爺聞升助教此舉人缺也一年便是
升州升二府甚清高雖無錢賺卻甚體面好可語大
娘說知莫只要有進入嫌冷淡也信到後大娘便可
收拾往南京矣多多頂上太太千萬安心歡喜兩子
俱是京官孫兒俱是秀才亦是快活人家或有不足
千萬耐煩可也汝母并宜好生伏侍太太鈴東大小
男女歡喜支持家事無易生煩惱汝父在京亦安好
無必掛念也陳大爺劉大爺譔大爺劉年受及會上
諸兄與諸親俱致意未及另字 錢糧著令眼明算
明完辦九月十九日字

跋載儀顧堂二集

祁忠惠公行書軸

綾本高三尺零三分
廣一尺一寸四分

王寵字履仁後字履吉別號雅宜山人本不以畫名
偶然興到點筆深得大癡雲林墨外之趣高人胸中
無所不爲不必以一技名也書爲 淑和年道兄正

祁彪佳

祁彪佳 白文 寓朱文
佳印 園

文文肅行書軸

紙本高四尺四寸
四分廣一尺一分

芙蓉爲帶蕙爲紳且與清時譜逸民一歲風波疑噩

夢兩朝天意見王春景同怖鴿惟飯佛跡欲潛虬未
敬神笑語兒曹須醉舞樽前難得太平身 丁卯除
夕 元年元旦正元春聖主如天百度新日月光華
瞻盛治江山安穩著畸人掃門未解供嘯笑啟事甯
容到隱淪飽弄煙霞三萬頃漁歌樵唱報芳辰 戊

辰元旦爲

元舉詞兄

文震孟

文起朱文氏

世白文太史

黃忠端公書曼倩傳冊

紙本五百頁每頁高九寸二分長一尺零八分

白吳道人 朱文

東方朔傳頌文不錄

少時喜臨曼倩傳及與王敬仁頌去今三十年偶復
作此時崇禎辛未冬在告燕邸大雪連日索薪炭不
可得取長安白毛筆呵凍書此想念侏儒亦熱欲死
也十一月十九日黃道周 道周 朱文連珠

朱文
于

朱文治跋不錄

黃忠端公行書卷

南海周氏藏

綾本長八寸
六寸高八寸

石道人 白文

雲磬聲柔花事迴法王香沼與香臺諸天飛動無名
佛盡向刀頭合掌來 天家祕戲少人知寶椀晶燈
龍火師再作魚蝦生已細不貪螺殼鬧洿池 一年
一現優曇花便作芽狙與飯鴟總是檻籠携去物空
煩化手上琵琶 驪鸞肝髓已如柴法製伊蒲未散
懷三萬六千鱗羽業消多四十九日齋 簷池風雨
各胡模記得真師梵唄無已識刀絲同葉露不分法
水與香廚 何處口葵不可嘗五香熟釜尙加湯行
麟未得解蹄法別向蛇醫乞妙方 火雲勒雨五時
難禹步道人再上壇仙露不關魚水事腥風蓰蓰動

絲竿 竹藍柳貫且分携惹得水田蛙露啼試問鷗
鵬天外事何曾慶弔到雞棲 報恩雀蛤眼空青歲
歲入關又破局斷臂幾迴成法事不看人寫藥師經
已穿寶塢寶珠通又記靈山龍虎功總在碧囊收
放裏一番□□一番風 百城飛乳滿啼號沸鼎能
游得幾遭但願諸天弘綱目陀羅雨共洗屠刀 希
微天語但稱 蟻海星榆已度橋五萬金花新結果
百行猿鳥共間韶 地藏衣冠別樣新更呼不著爲
君親福堂符水三分 長灑 人與石人

石道人

白文

壬午仲春日上於法 禮齋內以二月初出平濟門
至廿日乃至淮上聞齋畢將命首輔清理法業因作
放生詩十三章感辛巳二月同此因果自以迂儒器
薄未之能承將口古人口口口口封禪之恨乎廣陵
舟中書與 德公展翫不可令外人見之也三月上
已跋平江濤之游黃道周頓首
黃印白石朱道周文齋文
毛懷跋不錄

黃忠端公詩翰軸

緞本高五尺二寸五分
廣一尺四寸六分

鵬鳩豈有常各自喻適意當其控榆枋亦具一天地

羽生負文藻澹然足真致不過侯鯖門不改翟羅義
舉世事薦舉鳴蜩共鼓翅朝爲草澤游暮爲廊廟器
羽生獨掉頭云非吾所事捉鼻鯢名者牽船遠搖曳
擲賦聞官商還山得 肆同心一兩人憂詠數百字
不樂爲詩名不若江湖氣寄語老侯嬴毋乃失高寄
壬午五月廿日黃道周頓首

黃道周 白文 齋朱文

石

倪文貞行書軸

紙本高四尺一寸四分
廣一尺二寸三分

千年谷口有雲封盡擁山光入嶺烽石宿將軍疑伏
虎松翔老子信猶龍蔣生新徑杜陵道謝眺忽詩落

雁峯只看亭身圓似此若猶方內那相逢 集規亭

元璐

倪印朱文 太史白文 元璐氏

倪文貞懸崖孤松軸

緞本高三尺六寸四分廣一尺四寸八分

辛巳冬十月畫于澹多軒

元璐

倪印白文 元璐

題紙高七寸五分廣四寸

倪文貞公畫松石 磐石載喬松一簣千鈞力深沈

歲暮心黯澹太古色皮相狀奇險意匠屏頗側非無

寒泉漱井渌類不食 畫成歲辛巳兒易稿同削想

從赤松遊磐礴衣雲閣鼓山與漳浦石友但落落魄

時三做堂太息百官鐸

我昨哦公詩

公手書四十初度詩亦復

何滋味如蚊蚋鐵衣戰能肥卜子思已爛王晞自叫

一鷺出甘隨六鵠飛豈容又十載方誓墓知非蓋崇

坊局時作今復見公畫瘦硬各通神

厯劫故不壞誓

墓志蚤定投袂節匪懈

作畫時方里居

青青受命獨

豈玷像二介

雪舫先生出所藏真蹟索題賦請賜

正開化戴敦元初藁

金漁白文

倪文貞家書冊

溧陽沈劍美藏

第一札紙五百頁高七寸三分共長三尺二寸二分

元略白文

作書到永平入缺主者業已見俞今已爲之傾箱倒

庚助辦行資明日行矣此缺做得亦好時價亦值百餘吾旣效力又復損財凡今爲親友圖維皆如此兩斧並攻夫陪兵折所以難耳蘭姪成婚之後須益努力不知近日頗得入心處否衡氏前已諄言今又託三蘭兄相會爲吾一理前說正不知較檄何時耳左役書如今恐不必託之新文每何如五月朔日書此剋接得金監生大可惡又浼錦舅傳語其家如不早明必貽後悔糧戶借契寄歸許處銀吾已代賠利銀去矣此輩何無人心若此李指揮事接後有想幸完局矣應德會銀記是今年該收遲卽明年癸可著永

義查明急討大兄今年四十無可爲壽者家中可替他誦蓮經隨意幾部以當稱觴何如幸與母親商之如書到已過期補行可也舊時京中陸續寄奉母親銀兩皆賠在使用數中往旣不知今又不能湊補可稟知母親將前銀總算或於田屋內照本歸業收租目下母親且收租花使用如後要銀吾便辦銀取贖何如商之外寄歸犒從銀二十兩半給大房婢僕半給本房又倪馴還母親銀七兩俱列總單內并送諸親物件一一煩簡驗分送外託友精擇壽器吉期一紙附歸大都與家中相合但此云申時更吉可更酌

之寓中諸親友各見責疎節緣皆望奢尋香討氣吾處此極苦極難耳小五官歸期未定前寓友有言其影射一事者旣而察之實屬烏有吾已當面彼人密詢得詳人言風波不足深信如此恐或騰傳宜以吾言爲正也祝九兄只在此月歸家中如乏用之極可與商量京中絕無來路此後書歸大都赤白洪崖耳黃府尊廉其人不甚妥貼書中以兩弟爲言往見與否亦惟兩弟相機七月六日仲兄平安徐姊書來討倪馴舊帳倪馴稱本銀無欠止餘利已蒙徐奶奶賞饒倪馴云云可致之

第二札紙兩頁高七寸
一分共長一尺九寸

昨廿五日陳清芝行附去一書不悟至今猶未報也
茲標行之便附此平安寄歸禮物雜錦二舅筒中彼
當區分以上也母親近況并體面腴潤何如月多不
得來鴻或係歲逼無便郵耶此心懸切吾體日來甚
強健陳青芝書中所云不甚健云云者猶是五日前
話耳寄歸武錄二冊并疏草一通近日多諒並附青
芝報中茲因其遲報又附後疏于此此舉係吾一手
積脹初因其科場事未結故延今始上如疏所稱豈
是凡常推轂如不見聽卽當以薦舉失實處分李邕

因孔璋減死禹錫以宗元換郡此皆誠至語激立取
回天如其不然魏其曰終不令灌夫獨死則亦蒙誅
尹洙曰臣義不當苟免則亦得貶未有不卑不白出
此悠悠七里之霧布於綸扉而欲求天下之治平烏
可得乎初欲以此意更作補牘之圖會衙門徐翰簡
九一繼起有讜論先獲臣心之疏中間見推吾與石
齋才品頡頏石齋當用吾言當行云云深恐主上疑
爲朋謀吾再疏遂止不上石齋旣爲時人所忌而劉
念老政府忤之尤深

口口白文

元略

初七日方達蘇門一行人各得安穩惟崇德阻淺嘉禾阻風故小滯耳弟前留杭幾月歸去想無他忙母親以下定各如意身是老江湖老親自可釋其外顧邊訊風影都不足憑信近見口口口口松錦衛有塘報更可安枕願言之母親陳二舅繼永春回寄去族分曾到否家中留下未收剩債三宗其一糧戶本利七十餘兩可令永義催取家用其一張五泄未完一百兩渠約十二月初了件至期可煩錦二舅婉切一討倘不能頓卽零續作三次亦可開此便門使其易

從如其頓有卽可留爲取贖陳思石田價零則送母
親日常使用其一則湯七兄一百兩相約十一月間
送至家間至期可託以取田名色寄數行二華委曲
言之此項八手可留 實爲取田或還債正經公用
又府廣文萬君署印一事劉公祖書至見俞但未曉
定何縣總是暨嵎蕭新無所分別事成日著永義身
上明白又臨衛李揮深所事在嵩三叔身上明白文
九兄昨面及云云凡此數件統望吾弟爲一留神稽
察之蘭姪試事崇德書謝王父母又專及之弟見誠
是然旣已如此卽當悉心爲計不當付之腦後袖手

以明高澹齋公見允與府中實切謀計不敢保其眞
偽或亦一之關帝君可平南中帶歸大小畫八軸總
一油包弟過新宅時可爲一查不知頓何處便可入
畫箱以防鼠蠹也夾中書籍託二太舅爺收整想已
入箱訖矣簾屏須好包封收拾屏架上不須列名總
要補做掛屏十二扇開列更佳可致之錦二舅外寄
歸應天試錄一本五魁卷一冊 十月初九日金閨
舟次仲兄鴻寶載頓首 緹騎逮華亭相公者已到
金閨撫按往取華亭公已三日矣云今日到開讀可
歎也

第四札紙五頁高八寸三分其長三尺一寸五分

周和到接得書物知母親安娛榮澤之狀喜欲狂舞時下炎蒸宜加意調養聞竟不用酒此物雖不宜多然全斷亦不是老人筋骨情性亦藉此調和本能飲者與他人又不同但以節減爲宜不致沾醉可耳酌之酌之考事生童得失不知何如時用懸懸前託偵姜宅姻事初大祕不得其說及其次公同周和到時箴老方見浼執柯爲其季求婚羅天樂因有妣氏之便遂使偵之報云正得家書此事甚好但以其愛君與蘭姪婦有姨甥之分尊反居下殊爲不便容再商

量云云此後尙未得何語意先此知聞助餉旣開捐
自必登奏似不須查部今亦已託人去查矣得確卽
寄知也三姊病急之說使人驚悸想當漸痊惟日對
天虔籲而已寄聲願好將息覃兒痘後已七十餘日
安健無比惟召兒竟殤時在前月之廿五日蓋已滿
月過二日矣其痘脚地本不甚佳然亦一般發綻收
回忽於半月時胃口不開身發夜熱庸醫但以調脾
滋陰之藥治之不知其身癰後起疔至死方知此疔
原非不治之症苟早知之一拔便了而庸醫以爲痘
事已畢作餘症看全不照管身面非惟不知拔疔之

法並亦不知此之是疔抑又不知痘回之後尙應有
疔此輩殺人如此殊可痛恨總而論之是有天數吾
夫婦今亦不復悲思矣母親前幸勿驟聞書到家時
正當炎暑稍經秋涼言之不遲耳其餘大小俱平安
嫂娠坐草應在八月此可稟知母親俟嫂產後彌月
卽整歸裝爲求天倫山水之樂矣李使回草率報平
安山東一捷之後尙爾杳然如此還非破竹之勢事
尙可憂也 四月十九日仲兄鴻寶平安

餘不必念可惜一个好八字如其成立王文成豈足
道哉因悟童關未出難與言命儀真之游或於今秋

及來春圖之稍資秋戰燈火亦無不可崑山正與地
館相關且勿入也儀真有復當寄上來筆頗佳

第五札紙四頁高七寸
五分長三尺四寸四分

十二月初十日蘆溝遇王義老附去平安數言嗣後
茫茫不得閒便知家中懸望必切也祝親丈帶到書
筆並收母親入新年想益強健此中各各安穩聞事
辭之不得昨方杜門避客有事之榮無事爲福未審
誰得隨遇而已計事大嚴吾鄉父母之被處分者不
知外間公論如何石齋兄昌論落三官吾道之光望
之如天上不道世間無男子也都中晤熊君云事雖

得半實係重大今得來書云云似歸烏有文九兄豈當作此行徑人生名行信義爲大吾愧知人之明又如二太舅爺萬公之說亦大怪聞此二件不妨以吾此書與二舅九兄一看也族分陳二舅遂浮沈值幾何事至爲盜行可笑可哀今亦不必補去但據原開分數於荅席中特加優厚亦可惟更酌之家中如乏使用可從錦二舅處通那設處自到京以來交際都絕不免啼饑奈何大姐姪孫歲內笑忽來至騰騰赤手資斧全無意倚冰署作外府大可笑歎在我行輩之情汲引提持或猶可盡若欲剖分鷺脚實有不能

願于便間一對文二兄言之渠此來竟係悻悻不謀
祖父何孟浪也宗師論列可謂無復公道雖不與察
自難復留地方垂涎此缺者不獨十輩尙未有定歸
耳錢唐縣取第二徐承烈會否道取便間幸查的示
知之三蘭兄何日起行聞之本衙門自二月以後殊
多好會至於定何地方權又不可預設也可先致語
旦晚錦三舅歸當有專訊正恐已發相失耳蘭姪落
孫山聞之甚悶正吉完姻是定期否業爲二母舅作
書到顏道尊附陶使兩月矣近見南中叅疏計典處
分又成畫餅柰何爲鸞鼎輩延師卽是河南岸金諱

延璧係會稽學入監昨十二日已開館矣外附上上
參三兩送母親用可簡入之 正月十九日寓京邸
平安家報兄鴻寶 獻汝弟收目 六弟不及另書
俟錦三舅歸悉他欲語吾方就緘而祝七兄到又得
平安喜書筆並收到徐熙翁奠儀後訊補致何如又
言

倪文貞墨竹軸 烏程朱氏藏

灑金箋高三尺四寸
五分廣九寸二分

食肉卽瘦看竹卽肥吾性異人寫此救饑 元璐

倪印 白文
元璐

溫寶忠詩札冊

紙本第一紙高八寸
六分長八寸五分

左式

時值貧乏每以相累 老弟不生嫌倦亮我多矣辱
頒腆貺何可覲承重違來命謹領紅綾一端稍壯喜
氣適欠佳茗正藉供客之需併領先此謝容面悉不
盡 張子老弟來元 愚兄璜頓首 至

第二紙一接高八寸
七分長四寸一分

孤村獨坐有何靜得房稿何冊在案遴選積何篇數
看題如斷火梗讀經濟如奏明庭讀理學如橋門發

難必盡其一身之氣力而爲之昨周匠持翰來領悉
阮舉事自當同舟作氣邪許也 張子詞壇 愚兄
以介頓首

第三紙高同
長三寸三分

頃在湖頭貰酒作主金一方得卅觔而縮何堪二尊
之惠乎藉此陀顏聊作豐瑞祇有自愧耳先此謝

張子老弟卽案頭 以介頓首

第四紙高八寸九
分長六寸八分

昨薄設不獲下領爲歉適知尊郎小違和未之前聞
有失訊問是何感傷度不過時氣牽滯耳今得平復

未特遣幸示知用之爲說幻變不佞總付之閉門聽
月耳居間賣居間贖不佞之事已了且看渠下回分
解來字附覽然當留還我千萬用章昨數字教以宗
祠事諒難諉卸必須通族合算徹底館事事未易一
二約畧開口也何如 張子弟來元 愚兄以介頓
首

第五紙高八寸七
分長六寸六分

會事方興重煩厚贐實有不自安者非僅以套辭也
來意鄭重拜惠何堪旣多取精稍留不盡受兼金以
當在宋還同未處之心謝幣交以當報季久鑒及儀

之物草此謝謝 張子老弟來元 以介頓首

第六紙高九寸一分長六寸七分

昨倉卒肥飽已盡弟情謂有歉於我卽過分矣湖山
雖具吾爲足下充世法耳歸來數日陰則風雨妬花
晴則里井妬遊無日不神馳湖畔也十一月一二日
急覓還山棹矣兩儀領訖是謝紗銀一兩六錢八分
如來教付上恐不便如此好銀正不欲累足下唇舌
也 張子老弟 制兄以介稽首 外紗再要六丈
俟弟在家看付爲妙

第七紙高九寸二分長三寸三分

題靈隱寺 盡捐三竺填車馬一徑幽然自野花天
與驅山封外廓龍攢密樹繭重遮對門滄海無鄰舍
直底韜光作一家接飲上池香味色冷泉判 下流
茶

第八紙兩接高八寸七
分長一尺一寸八分

開士蔭生發大信心持冊乞言爲超凡虔誦法華以
資饅供竊意世人匿不肯吐吝已同風牢不可搖頑
將成痼況值三空四盡之秋誰作添花運水之事若
使超凡徒與者茫茫不問 之何道仁者之粟難分
義士之財不苟良有繇也不佞粗理法華聊通大旨

五濁之中切爲諸大惡之首一切之內慳爲眾不善之根所以聞法布施皆成佛道則布施與聞法同功供養諸佛得與光明則光明與供養並現若夫甚深微妙之義無漏聲聞之智雖曰性體難見然有力有作有果有報厥惟所種云何卽或大乘難齊乃若諸天龍神畜生餓鬼總在當機自取由此觀之施捨者原捨同心非徒一擲禮經者自理本性豈爲三餐

題超凡禪丈禮法華疏引

第九紙高五寸
六分長九寸

昨碌碌不及奉復爲歉自惟從來短於奢取亦不欲

致人傷惠卽或念我行囊羞澁而來儀過分似難沾
染昨受廣以太腴至今深悔安可重誤此謝 張子
老弟來元 以介頓首

溫寶忠與公望姪帖

烏程周氏藏

紙本高九寸長
三尺一寸七分

前戴清之歸時原有察盤池州之役偶因按臺候旨
回廳理事孤掌而爲左右方員之畫我勞如何近徽
雖稍甯而衿民頑囂不時騷動忽起忽止當事之人
刻刻每不安枕闔寇尙住衛輝 令剗削直至

山東界揚州兵民雖暫和解而秋防未見實著都門

水火門戶更甚如口中興勦守大策日坐燕雀之堂
而汲汲吾家削謚奪蔭以爲快時事概可知已 公
晉老姪無暇多作候書一應外務只以減省爲高閉
門喫飯亦足娛樂萬勿視鄙言爲迂拙也吳成事結
局無累否幸示之近來唐堂翁候陞謝事百凡盡萃
本廳特遣致沛蒼促清之來治稍佐勤苦又有會課
之事看文發落不可無分任者又念衙齋荒冷無能
豐聘名賢或藉至親原亮可與同居擬接吳可宗到
治但渠今年有館未知果否堪辭或不可得 老姪
爲我覓一曉文理知性情者一憑 手教是承蓋備

此一著以俟可宗之萬一不能應赴也不佞賤辰犬
馬齒長恐有親族雅意遠遣贈賀自愧平時疎失萬
不敢當又恐徼人覘伺使蒲柳之年大明于人殊有
不便幸 老姪晤有舉此者卽尼之感刻不盡廣川
弟近祉定佳且讀其古詩高朗開我見獵之喜風塵
外吏絕此清課深知相嘲笑耳 吳訥老親翁處幸
託廣川弟叱致疎候之苦忙也 蔡韞老未獲荅揭
統俟另箇始乾姪曾送近課 老姪處看否不知精
進何似亦無暇作字致之寄到新刻一部並無他物
相贈也 三阿太 五阿太託始乾姪叱名問候

幼翁二兄

昭翁三兄併諸兄弟都爲道鄙意爲感

不盡所言

陸甫修明年自揣澹泊力有難辦尚在箸籌倘有善地不妨先容

公望

老姪卽我

八月初四日叔璜頓首

溫寶忠與公望可聖帖

烏程周芸齋藏

紙本高九寸四分
長二尺七寸七分

新正福祉無量不佞亦叨庇粗安前臘二十五日有
數行併諡號公文寄寶陸采之送到爾時都謂諭祭
文已先請遞及廿六日查尙未發專候賞封以爲行
止因與玉涵酌付三兩八折纔得用印送寓已除夜
矣吏胥中梗如此其文中山岳鹽梅勞怨靖其股肱

社稷等語眞足記實寫生亦可旂常竹帛其贈章先
呈銓司取一炤存閣翰俟輅到卽行總在三月內事
可徐圖無煩遠念近來輦下頗思舊輔公論四出卽
曾相阨者無不滌腑移腸都門功令日嚴士大夫儉
陋日甚覲官東寓不通西道閒曹儀帕如對馬角攢
眉相向幾不欲自存東方日出有客過談非某糾參
則某詔口然而躋升勇進者日熾眞所謂相逢盡道
林下何曾從古如斯矣 足下此番到京名譽鵲起
朝紳共以世德舊物相期惟珍重白玉獻歲聞 君
頃兄同事不知 足下近課如何用功任大責重左

右兼支堅忍敏明四應無窮不佞所推重但此三年
中除襄事外必須一切謝絕打迭精神酌選經書題
目四百半資藝林半期獨裁卽如舊等尊稿法應穎
脫今既蹉跎便當重透凡事可以仍貫唯文難以守
舊不做則舊者不出不多做則新者不來不新則宿
舊爲華不日新則昨新忽腐探古研色去詞之平翻
窠闢境去題之平逆勢錯節去格之平牕下自以爲
異矣場中忽減其七主司其以爲異矣選家僅取其
三是故平易而異難雖爲上上人設法然學者不可
不取途於此也 君碩蘊美而冲澤可聖養足而悠

徐不審官從吾言否幸致之可聖新郎日巽而月不
同 劍翁五叔起居可聖乞叱名恭候其 叔子不
知讀書何處偶因 周彝老便附致公文併致區區
不盡所言彝仲潔悃謝過弗絕其來意 公望大姪
卽我可聖老弟同覽 正月初五日以 缺
溫寶忠與大姪女帖

紙本長八寸一
分高七寸八分

一向不及相探每詢汝健否無的信爲恨聞汝欲歸
甚喜兩弟考事將畢汝須亟歸一敘恐留亦不久矣
任上寄回書一封衣一包俱付吳聰送來想會期在

卽不多及 大姪女妝次 六叔書致 十五日空
無言

又北來帖

紙本高九寸一分
長一尺五寸九分

昨自北來赤旱千里盜賊接踵著鞭急歸圖安泌水
不意一潦無秋小民叵測日內租未擔石而縣檄開
倉糧道盤驗貧富相視以目不知冬春作何結搆也
每思扁舟過從友輩一尋高陽勝致睹此風景蕭然
不覺味索昔人題醉漢爲瑞乃今知不誣矣但得明
年麥浪浮青菜花生錦天運人情稍有起色便當奉

候 玄齋圖一醉寫太平景況何如時承注存節蒙
厚貺慙愧交加重違尊命謹此拜嘉倉廩旣竣得先
枉顧罄我闊悰不勝願望之至草附併謝 弟以介
再頓 左空

穰梨館過眼錄卷二十八終

穰梨館過眼錄卷二十九

歸安陸心源伯剛甫編

嘉定侯氏六君子爲義僕賓手書卷

絹本五接高九寸八分長二丈四尺四寸

中樞
宋文

專學 學者出於心心爲身之主耳目候於心若心不在學則聽誦不聞視簡不見如欲鍊業必先正心而後理義入焉夫兩葉掩目則冥默無覩雙珠填耳必寂寞無聞葉作目蔽珠爲耳鯁二關外壅視聽內隔故其宜也而離婁察秋毫之末不聞雷霆之聲季

子聽清角之韻不見嵩岱之形視不關耳而耳不見聽不關目而目不聞者何也心溺秋毫意入清角故也是以心駐於目必忘其耳則聽不聞心駐於耳必遺其目則視不見也使左手畫方右手畫圓令一時俱成雖執規矩之心迴剝削之手而不能者繇心不兩用則手不並運矣奕秋通國之善奕者也當奕之時有吹笙過者傾心聽之將圍未圍之際問以奕道則不知也非奕道暴深情有暫聞笙猶之也當算之時有鳴鴻過者彎弧擬之將發未發之間問以三五則不知也非三五難算意有暴味鴻亂之也奕秋之

在卑不少匪域之殊唯人之効牧羊維侯斫石維王
執鞭太尉報讎宅鄉彼實異逢非我思同監於齊虜
視彼趙忠銀鹿命僕典琴字童無以奔走而慙紙筆
捧劍吟詩咸陽之卒蒼頭善文郤公之室無以安寵
而飾溫腴收綸鼓枻隨張於漁蓬首長鬚亦惟事廬
無恃而勢恥爲人下倚寶虐种卒禍主者守亢如寡
維園公之呼司馬無怨而貧而有貳心苟僕之貧主
之賢仁擇才而終身惟病奴之事蕭君無徃而趨而
競樗蒲王誠覆斗陶訶牧猪醉酒而賞我不古俱無
攫而欲而好營逐張隸納賂王奚食肉我以其清彼

以其濁堂堂而翁是服是共役役而儕是輯是諧無
以久貫惟勤之替無以分曹卽安避勞無託辛勤而
因事爲勳無挾寵顧而昵尊忘素陳之地餘雖文不
法平頭提箱旣勤乃拙雄翹士風次孫忠節人之報
主能各有甲唯臧爾心用敬厥業非爾勛勛亦我之
須三世余僕族曰華腴 家人者其職甚細然家道
昌替悉係焉故用作箴名之曰閑家大其義也久欲
以告僮輩無可與解者適僕賓持素冊乞書遂錄于
後謂其知近筆紙也亦有勛焉 庚辰七月廿八日

客南楚書

幾白文
道

中堂有奇樹鬱若華蓋多陰敞餘數畝託根勢莫移
風霄挺嚴節陵臨覆桑棧其上輯百羽其下叢華滋
攀緣盈蘿葛萋萋來繞之中條頗秀舉鼉陰垂清蕤
結附倚明德詎云懷薄私歲久勢且長風雨相扶持
願言直爾心爲爾固其枝修修愈結束不學羣條靡
一夕雷雨作龍蛇奮如馳相輔永茂芳千齡以爲期
右南州署中賦得古柏示僕賓作賓頗能學吟其
志乃亦自好余常謂人不可以言亦不可以無志
夫竭誠去私不勞怨是舍充此志也雖以事君無不
足而賓顧卽以自許今其侍我父廿餘載矣而不見

其隙厥言未謂無徵子既作此詩示之且譽且勛焉
則復進前而告之曰維爾之言緊爾之志維爾之志
緊爾之事繼事而徵其曷有既賓悚然曰賓識之舊
矣敢不唯命是繼遂書其語時南州官舍中秋之月
涼雨初過試筆

字白文
雲俱

倣曹子建樂府當事君行

六五言

鬱鬱彼山上松

扶危蔭中林烈風來何脩脩勁節難爲心

解一

青青彼

園中葵託根何不遙願爲君子陳心希陽而傾條

解二

貞松可用樹木葵能衛其足枳棘填彼幽谷推枯亦

良促巧詐祇令身敗哲人忠自謀

解三

秦虜猶賢魏羹

多巧者寡誠日月昭昭旣明不掩彼青蠅露雨紛紛
各榮不忤彼稿莖今君何用自嫌竭蹶以酬生

四解爲

臣良云獨難有胸孰無情貽訓鑒觀六術智哉彼劉
生古人何爲拙誠後世傳其名

五解

古事君行不可

考子建代之篇短而貧余倣其意循其句格而廣其
篇體雜用比興爲一首五解意有遠託不知于古人
離合何如時庚辰秋南昌官舍雜倣古樂府所作偶
僕賓乞書冊因寫付之賓頗習詩工書疏且其立志
較然似有出諸臧奚外者余旣嘉且勗焉又進與之
言詩樂有鄭康成家風爲識數語以勵其卒八月之

九日書

智白朱文
含氏

瞿室 白文

賓僅侍伯兄將卅年其侍余亦猶侍伯兄未嘗有斯
須怠色亦可想見其忠慎矣伯兄視學西江時余亦
追隨官下親見賓司筦鑰內外傳宣惟謹旣而駕水
之役去里門一衣帶藏名恆恐不深偶假歸有營弁
操舟數里外致其款款語漸及私賓援古義拒之辭
色俱厲今夏五伯兄赴國難出門夜宿葛隆逢暴客
伯兄躍入水中賓宛轉相抱良久得脫此皆大節之
可見者若夫性耽文史工于駢偶言能佐記室所不

逮又其餘事耳兩世贈筆賓將悉示子孫余復贅題
數語見賓自有以得之非主人之私所好也 崇禎

甲申秋仲書于仍貽堂中

侯 朱白文
雍瞻

夫處世末流爲人下以事其上未有不出於勢利之
途者故主人都貴顯席豐廳僮指恆繁庶私心所祝
俾百廿年而昌而熾傳類相上競爲炫侈廣廈曲房
金珠綺縠其主人寶嗇累禩弗敢踰越彼則旦暮崇
飾不遺心力自謂子孫之謀如是足已往往主眷未
移僕嗣先隕耳目睹記可勝太息若乃德義是勛超
然流俗之外其性情其行事皆合于主人之所尙不

亦難哉賓固儒屑從吾世父垂卅年未嘗一日不在
側世父正氣清風居官以退爲節方在南曹辭北銓
謝 臺諫出爲藩臬而世父有喜色及在嘉禾以大
廉特拜京兆旋膺新天子銀臺之命而世父有戚容
唯賓亦然吾是以知其所見者大且遠非復女子小
人煦沫寵澤之情也已至其介性自持勤學好問詩
歌啟牘彬彬文士之風而雜處羣伍樸遯無以自異
粗衣糲食三十年如一日近始于所居旁擴一楹遂
巡請命若有愧色及觀其締構簡略粗草僅足安身
而止視夫雕淫僭侈以忘其本者相去奚翅萬萬哉

邇者奴變起于江東訛言孔亟三世蒼頭盟牲矢義
罔有二心然余觀世降風移童穉弗逮于典型詛盟
之設三代其衰乎余用惴惴毋敢荒甯賓持此冊來
余讀而歎曰是所謂如帶如礪者耶金簡玉書不足
爲其榮矣賓齒方剛其尙努力進德爲綱爲紀爲楷
爲則吾將觀于爾後大書特書所不恪焉賓姪秀弱
體盡勞至死不懈余重惜之子德愔雅有父風詩曰
克昌厥後并勛諸 崇禎十七年九月五日記原書

侯印 朱文
玄訪

黎美周富貴圖卷

引首絹本高一尺二分
長三尺七寸六分

春風生意圖 香樹居士錢陳羣題

錢陳羣印 白文 特進朱文 大司寇

圖緞本設色高同
長三尺五寸八分

崇禎癸未三月吉番禺黎遂球製

黎遂球印 白文 美朱文 周

純白文 元龍朱文 軒之印

題緞本高同
長二尺五分

蘇城黎美周擅鄭虔之三絕以黃牡丹詩得名致有
狀元之日閒為染翰所製富貴花俱多天香國色摹
寫最精茲卷向在龔尚書芝麓先生家收藏有年不
輕示外人一昨從皖江歸往訪辱承見眎展翫莫能

釋手瀕行漫書數言於後以盡雅意并藉附不朽云

順治二年歲在乙酉春王正月十日 江東布衣

程邃

程印 白文 穆朱文 邃之 倩

又綾一按高同
長四寸二分

望春風 朱文騎縫 館所藏

程恭壽跋不錄

卞文瑜山水軸

紙本高二尺九寸八分
廣一尺一寸二分

甲戌秋日 卞文瑜

卞印 白文 潤朱文 文瑜 甫

畫中九友卞司空煙樹晴嵐點筆濃鼻祖由來推北

苑繪林千古有宗風 西廬老人王時敏

王時 白文 敏印

煙朱文

書樵朱文

小宛堂朱文

卞文瑜淺絳山水軸 歸安李氏藏

紙本高三尺九寸
一分長一尺一分

閉戶著書多歲月種松皆作老龍鱗昔有虞卿樂於
著書名垂千古今 先生謝客却塵日闔扉坐真不
啻古虞卿矣聊畱小景以博一粲云乙亥仲春卞文

瑜識

下文白文
瑜印

先生萬里一歸人染得峨眉雪鬢新解欲空囊看長
物青瑣一片尙隨身 林壑幽深結數椽不知伏臘
是何年門人喚起無他事獨掩松牕草太玄 無恙社

弟陳繼儒爲虞卿先生題

醕儒

朱文運珠

落落長松覆短楹
濤聲消盡世間情
閒中却笑華陽老
猶有山中宰相名
社弟文桷爲虞卿尊丈題

桷

朱文長朱文

潤甫特稟瓊瑤資
錫嘉肖德兼肖姿
孝友至性帝所私
詩書禮樂無不宜
憶余相逢年少時
聲名藉甚人調飢
相逢莫逆擬與犁
汪汪一水曾不移
何言干祿遠別離
歸來局卧空相思
青松庭際儼芝眉
神交往往夢寐追
忽捧綵筆從天遺
開緘寫我摩詰詩
小閣棲遲那可比
千尋商嶺插天遶
五株秦松織廣帷
靈

芝異草滿路陞煙雲
窈窕逶迤杳然世外神仙居
幽人來此結蓬茨
牕中獨坐緋衣羸
不是許由及卞
隨定是善卷子州支
對此不覺心神怡
躁者已靜險
者夷先生寸管瘳俗醫
盪挽變幻任所之
劉褒寒熱安足奇
曾是魏齊梁因兒
蘭馬名同實則歧
豈余素有寶成癡
屢招瘦周樂令疑
故人知君君若斯
亂爲解嘲還解頤
先生果謂卿爲誰
崇禎八年二月廿
七日辱先生見貽此幅
次日走筆長歌奉報并戲解
虞卿之嘲餘興附書存稿
大明學人薛益書曰朕虞

薛氏朱文
廣文朱文
虞卿先生

日撫長松出世塵煙霞土木想風神甯止掩關工著

述應是義皇已上人 社末史兆斗為虞卿先生題

履翁 自文 劉氏寒 朱文 寒主 朱文 甯京劉 朱文 蓉 朱文 碧莊印 氏家藏 峯

李長蘅設色山水軸

紙本高三尺四寸廣八寸四分

丁卯冬日畫 李流芳 李印 自文 長 白文 蘅氏

李檀園設色山水卷

紙本高七寸九分長八尺九寸

癸亥秋日寫於檀園吹閣李流芳 長 朱文 李印 朱文 蘅

李長蘅雪景軸 歸安李氏藏

紙本高二尺四寸四分廣八寸七分

甲子臘月十三日歸自吳門大雪彌日舟過城南見
留光樹色冒雪含煙頗不乏致輒畫此紙李流芳

李流芳 朱文 長 白文 衡氏

蕭蕭疎疎木落草短高樓有人衣火浣轟飲大嚼歌
聲緩我煨黃獨坐土剉寒涕不收如懶 一 璫 二 見我

時時左袒 眉公題 眉 白文 一 齋 白文 楊式酉 朱文 蒼章 朱文 儒 圖書記 長物

李長蘅仿黃子久山水軸

灑金紙本高二尺八寸五分廣九寸二分

丁巳夏五坐雨蕉屋爲 子羽兄仿黃子久筆李流

芳

李印 白文
流芳

李長蘅水墨樹石軸

紙本高二尺六寸一分廣一尺四寸二分

李流芳

李印 朱文
流芳

亭皋木葉下隴首秋雲飛 柳渾句王筠用以題口

長蘅用以寫圖

眉公

眉公 朱文
齋 白文

片雲常似客拳石欲聞禪 周裕度題

周印 白文
裕度

李流芳山水軸

紙本高三尺六寸一分廣八寸九分

丁卯秋日畫於檀園蘿壑

李流芳

李印 白文
流芳

清溪遶茆屋古樹散高林山空絕塵鞅伐木有道音

雁門文枿題

端朱文

溪山書隱

文從簡題

文印白文

文朱文

白藻朱文

東吳王
遂澤
書畫記 朱文

程孟陽臨雅宜山齋圖軸

紙本水墨高二尺
八寸三分廣九寸

青螺層出浮雲外古木修林碧蔭中只要詩人相管

領不教風雨四時空 臨雅宜山齋圖卽用陳惟寅

山水畫法

程嘉燧

孟朱文

程孟陽山水軸

歸安李氏藏

紙本高二尺八分
廣一尺八分

崇禎庚辰二月孟陽畫于拂水山居

程印 白文
嘉慶

邵僧彌仿唐六如軸

紙本高三尺九寸
廣一尺三寸五分

仿子畏先生於長水龕

邵彌

僧 白文
彌 邵 朱文

邵僧彌水墨山水爲顧仲昭作軸

紙本高三尺一寸
七分廣九寸九分

知君高拂遂初衣
峯鶴栽梅息世機
身卧西山徐孺

在名留東海魯連歸
草堂客滿黃花笑
竹閣卮浮紫

蟹肥六十朱顏還更健
扁舟來往釣魚磯
丁卯九

秋過吳門與顧仲昭昆季話別醉後作此以贈 瓜

時老人邵彌

邵彌白文之印

邵瓜疇泉隱圖卷

紙本水墨高六寸八分長四尺四分

崇禎歲甲戌春三月上浣觀趙文敏泉隱圖仿佛為

此 瓜疇邵彌識

邵彌朱文僧朱文之印

瓜疇朱文琛白文

貽軒朱文

跋紙一接高同長三尺三寸六分

概獨白文在予

僧彌別予已閱五載昔年哭之至不忍詩今日僧彌

宜哭予矣。儻然長逝，天奪僧彌。早所以厚僧彌也。此觀泉圖，彷彿松雪翁筆。若使松雪翁當時如僧彌之，不永年，其聲價不更增十倍乎？乃知僧彌之與松雪，書法畫品，則畧相似，而遭遇相去遠甚。友人索題，因識卷末。

丙戌秋文柵

耑朱文無白文

雲秀 白文

僧彌爲勵吾金先生快婿，仲遵其內弟也。仲遵家胥江之許，春秋佳日，僧彌輒沂游從之。茗香靜好，文詠留連，興到偶拈弄筆墨，然性極疎簡，不受促迫。卽有經營率，未便竟以是。雖至親密，數相過從而紙上雲

煙不可多得此卷本摹唐子畏筆意而端文乃謂彷彿松雪翁殆不勝存沒之感今昔之憤也歟惟古動華觀世尚有洗其耳者明明利眼浮雲蔽之庶幾千尺寒泉差堪寄兩顆烏珠關覽否者亟掩而走耳蓬心蒿目爲之泣然 丙戌八月朔題于探薇寮 河

南方夏

方夏白文之印

南明朱文氏

一石赤 朱文

昔大癡翁爲無塵道人作一畫未竟閱十三年復歸魯士贈始足其筆論者謂此亦幸耳蓋有時爲事所奪或非意所欲爲有置之動踰歲月久而亡去者僧

彌畫之艱得幾幾近之乃為仲遵構此圖便得滿志
僧彌往矣筆墨愈貴且自亂後仲遵所藏散去八九
而此卷歸然獨存其足欣慶寶惜又當何如也 丙

戊中秋日題於石湖禪舍

耿庵明襄

臣朱文不白文
襄

跋紙高八寸
五分長四尺

瓜疇先生作畫極少余生平僅見兩卷此其一焉筆
墨閒散翛然有出塵之槩尤可貴也 道光元年歲
次辛巳立夏日梧岡張懷鳳觀於 秋航同年靜寄

東軒並題

張懷白朱文
梧白文

邵瓜疇寫唐人詩意冊

徐仲範運判藏

絹本設色共十頁每頁高九寸九分廣七寸八分

第一頁

落花寂寂啼山鳥楊柳青青渡水人

邵彌白朱文
之印 彌朱文

第二頁

行到水窮處坐看雲起時
擬陸叔平筆

邵彌白朱文
之印

邵彌朱文

第三頁

水迴青嶂合雲度綠溪陰
倣米家法

彌朱文
邵彌白朱文

第四頁

石欄斜點筆桐葉坐題詩

彌朱文
邵彌白朱文

第五

頁

空山不少人但聳人語響遠景入深林復照青苔上

邵彌白朱文

之印

彌僧白文

第六

頁

一榻坐臨水片心閑對雲

彌

朱文

彌僧朱文

第七

頁

秋山無雲復無風西樓看月出深松草堂不閉石床

靜葉間墮露聲重重

彌

朱文

之印 邵彌白朱文

第八

頁

澗芳襲人衣山月映石壁

邵彌白朱文

之印 彌僧白文

第九頁

黃葉覆溪橋荒村惟古木

邵彌白朱文 僧朱文之印 彌

第十頁

松月生夜涼風泉滿清聽 為暑所苦松月生涼之

境令人夢想故復寫此不厭其重出 僧彌 白朱文連珠

翁壽如山水冊

引首紙本兩頁長一尺三寸高六寸三分 泉朱文 石居 蘇軾朱文之章

壽如逸品 趙魏題 趙魏私印 朱文

紙本設色山水共十頁高五寸二分長六寸二分對題尺寸同

第十一頁

翁 白文
陵

對
題

碧桃花下野人家綠樹層陰屋半遮疊疊山青世外

眼相看許我獨樓霞

中國 白文 桂梯真 朱文
男子 賞之章

第二

頁

翁 白文
陵

對
題

柳色依依綠到船江花江岫自年年小橋儘有通幽

處人道深居著恁顛

丙午人日

延氏 白文 王印 白文
密 雨謙

第三
頁

翁 白文
陵

對 題

怪石層臨僻裏村
清泉活活靜無喧
入山更慮煙霞薄
茅屋家家盡閉門
丙午人日題

雨 白文
謙 延 朱文
密

壽芝賞 朱文
璧書畫

第四頁

翁 白文
陵

對 題

淡淡青空窅窅峯
斷虹落澗半嵐封
幽人坦步還扶

杖爲帽貪看綠樹濃

中國 白文
男子

第五頁

翁白文

對題

亂峯如舞碧相鉤遠近楓花百里秋若謂不如春色

豔空亭縱好少人遊 逍遙園主人題 潛岡 白文

第六頁

翁白文

對題

山秋不復世間青天外層峯淡欲冥寒菊滿籬紅樹

老幽泉百調座中聽 延密 朱文

第七

頁

翁陵 白文

對題

空山寂寂報秋容
水畔芙蓉著意濃
何用過橋分野

色停橈坐看忽成慵
丙午人日

雨白文 延朱文 謙密

第八 頁

翁陵 白文

對題

秋老深林樹樹紅
嵐浮素氣斷遙空
前山似似娟難

數驢背吟詩若處工

中國白文 男子

第九頁

翁白文

對題

梅花樹樹飛晴雪恰伴寒松雪裏青一徑尋來誰氏

子幅巾猶見舊時簪

延密 朱文

第十頁

壽白文翁白文

如印

陵

對題

怪殺江山忽改觀閉門且自學袁安嶺頭獨有雙松

秀好與孤清話歲寒 丙午人日逍遙園主人題

朱文

王錫朱文

峻生白文

兩白文

延朱文

紙高六寸二分
廣五寸一分

白岳朱文

壽如蓮筆高妙以晉魏書法行之于畫蒼老之內時
帶秀治正似桃源中人上古衣冠照映左右日在花
竹溪壑中與童稚雞犬醉舞婆娑遂使宋元諸公不
得踞席自大真奇觀也道人策杖隰西煙雲出沒雪
霜往還時時與壽如畫遇輒復欣然有喜爲題數語
後之君子得此冊者知桃源中人未嘗不在人境也

庚寅春壽道人題于香茅

萬壽朱文

跋紙高六寸二分
分廣六寸三分

翁陵壽如閭之建甯人工畫能詩小楷圖章分書皆
有意致飲稱大戶滿面酒痕然卽甚醉亦無少酒態
人慙就之每置酒高會無壽如弗歡也君畫初多閭
氣寄迹秣陵從程端伯少司空遊畫乃一變已又移
家公路浦時彭城萬年少孝廉亦移此晨夕過從畫
又一變壽如畫屢變遂臻極境江以南翕然稱翁陵
翁陵云娶小妻將終于淮上已忽思歸携家從陳階
六使君返及歸而廬舍不存親舊死亡殆盡復悽然
欲還公路浦江南酒伴亦恆望其來然老矣又空囊

不能出戶也 甲子臘月朔偶在郡中購得翁壽如
畫冊王延密題詩萬道人跋尾卽錄周櫟園讀畫錄
一則 頻水居士書于張氏考寓

此冊左方爲白岳山人題詩山人姓王氏名雨謙崇
禎舉人國變隱居不仕居山陰之潞莊予以戚誼數
至其家有名東巖別墅者題額歸然卽山人故居也
予嘗求其遺墨不可得對此益增前哲典型之想仲
夏二日再識

蕭山朱文 蕭山白文
朱鑑記 來氏

穠梨館過眼錄卷二十九終